

XA TEMOS AS DEDICATORIAS GAÑADORAS

O prazo máximo de disfrute e de solicitude dos premios
será o 31 de outubro do 2024

O amor prémiasi en Laxe
2024

V Certame
de Dedicatorias
de Amor



"Dillo ben bonito"

9 Dedicatorias premiadas
9 Noites e aloxamento con almorzo
para 2 persoas

- CABANAS NAREA
- HOTEL** O NÁUTICO
- ISLOW COLIVING
- HOTEL RÚSTICO *** E APARTAMENTOS TURÍSTICOS A TORRE DE LAXE
- CASA RURAL O ARRUEIRO



Grazas polas vosas participacións

Máis información en:
cultura@concellodelaxe.com ou 981 706 903

Información
en:
www.delaxe.com

ORGANIZA:

Concello de Laxe
Concellería de Comercio,
Hostalería, Turismo
e Cultura



O amor prémiasi en Laxe

2024

1º PREMIO

Rabia con amor.

Unha relación non é o que a maioría da xente pensa que é. Non espertas todas as mañás para almorzar e comer xuntos.

Non son abrazos eternos na cama e palabras doces ata que vos durmides os dous.

Non é unha casa chea de risas e amor todos os días.

Non é a perfección.

Unha relación é quen rouba todas as mantas de madrugada e ronca, ás veces un portazo, mal humor e palabras duras.

É chegar a casa e atopar á mesma persoa todos os días, é monotonía.

É roupa sucia e camas sen facer.

É tragas as palabras molestas en lugar de dicilas en voz alta para non ferir á outra persoa.

Unha relación é ter alguén na túa vida que se preocupa por ti a pesar dos teus erros e imperfeccións.

É unha colaboración mutua, facer a cea e sentarse xuntos, a unha hora tardía. É ter unha crise emocional e a túa parella durmindo contigo e dicindoche que todo está ben.

Trátase de seguir amando a unha persoa aínda que ás veces te volvan absolutamente tola.

Corazón Ferido.

ALOXAMENTO: CABANAS NA AREA



Organiza: Concello de Laxe





O amor prémiasi en Laxe
2024

2º PREMIO

O NOSO DESTINO: O MESMO

Entre risas compartidas
e confesións verdadeiras,
descubrín no inesperado
un amor sen fronteiras.

Tamén nos bicos, sabor a sal
dun mar cheo de sentimientos,
e nas palabras e caricias
de cada un dos nosos momentos.

Bailamos sobre suspiros,
ecos dun amor eterno,
no libro das nosas vidas,
cada páxina é un inverno.

Así, pouco a pouco,
e ainda sen crelo,
en cada paso xuntos,
o noso destino: o mesmo.

Lúa

HOTEL O NÁUTICO



Organiza: Concello de Laxe





O amor prémiasi en Laxe
2024

3º PREMIO

E ti¿que sintes?

Que ben me sinto cando esperto o teu carón,
Que ben me sinto cando me acurrucas pra
durmir

Que ben me sinto cando volves de traballar e me
das unha aperta,
Que ben me sinto cando con só mirarme me dis
que me queres.

Que ben me sinto cando me escribes pa saber
que tal me vai o día,

Que ben me sinto..... Que ben me sinto...

O amor que sinto non se explica só con
palabras, son momentos,



Momentos que compartimos, momentos que
vivimos.



Cada momento, agarrada sempre da túa man,
así quero que sintas o meu amor por ti.

ISLOW COLIVING



Organiza: Concello de Laxe





O amor prémiasi en Laxe

2024

Sorrisos e bagoas.

4º PREMIO

Hoxe, 24 de decembro de 2043, volví a pisar aquela praia na que, a pesar de non estar sós, actuamos como tal...

Aínda puiden distinguir a silueta dos nosos corpos na beira. Lembro aqueles bicos que sabían a area e sal, aquellas caricias coas mans engurradas que naquel momento eran a culpa da auga e agora o dano.

Levo anos preguntándome que sería se...

A onde chegariamos...

Estou facendome maior e cos anos esquezome da miña vida, dos solpores escouitando as ondas, esquezo todo o que me importa.

Pero moi poucas veces ao ano, lembro de ti, o que fomos, a nosa historia e inconscientemente fan aflorar algún que outro sorriso xunto con algunha que outra bágoa que cae pola miña cara, as cales me levan de volta a esa fermosa noite.

Almamia.

HOTEL RÚSTICO ** E APARTAMENTOS TURÍSTICOS A TORRE




Organiza: Concello de Laxe





5º PREMIO



CASA RURAL ARRUEIRO


Sardiña de monte



O amor prémiasi en Laxe
2024

PORQUE...

Porque tes ollos tan bonitos,
Porque me abrigas se vai frío
Porque me gusta estar contigo
O meu faro de domingo.
Porque te quero sin motivos,
Porque non fan falta razóns
Porque mo teño merecido
Leda sempre o teu carón.
Porque fun afortunada
De ser por ti elexida
Como ti non hai ninguna,
Miña nai, a miña vida!



Organiza: Concello de Laxe



O amor prémiate en Laxe

2024

6º PREMIO

QUÉROTE TODO

Lin en Madame Bovary que coa palabra humana só conseguimos facer bailar aos osos cando pretendemos conmover ás estrelas. Isto, precisamente, é o que percibo cando comezo este relato. As palabras son puñais que mutilan o meu amor, pois nin a pluma máis inspirada lograría describilo sen traizoalo.

Lembro a primeira vez que te vin. Vestida toda de branco, baixabas unha ladeira esquiando, e o resplandor do teu ronsel brillaba máis có da neve. Hoxe, vinte e cinco anos despois, o teu destelo cega máis ca nunca, é máis exclusivo, supremo, xa que a túa desemellanza con todo resulta tiranamente esmagadora. O relucir dos teus ollos, a túa fina nariz, o sabor dos teus beizos... A túa mesta melena negra, a túa osamenta espida...


Atopeite pola túa beleza. Coñecinte pola túa bondade. Fiquei contigo pola túa maxia e unicidade.

Estou tan namorado de ti que sinto vertixe. Véxome diminuto, e aguillóame a miña levedade. Todo ten sentido cando ti estás preto. A vida resulta incrivelmente fácil. Rimos cando amence e cando pecha o día. Bailamos a mesma música, practicamos o mesmo sexo, falamos a mesma lingua; mais nada simboliza o noso amor como as vidas de Moisés e Mariña.

A nosa historia, Eva, é extraordinaria. Apenas lla conto a ninguén, pois a xente carece da maxia precisa para valorar as cousas fermosas. Pero si; estou seguro de que é extraordinaria. Non pertence para nada a este mundo. Por iso concordo con Flaubert, pois as palabras non abondan para expresar o que te amo. Se quixera dicirche canto, tería que botar man dos números; se buscara explicar che como, faríanme falta as letras. «Moito», «infindo...». «Todo». Iso é. «Todo». Quérote todo. Á fin, dúas palabras.

HOTEL PLAYA DE LAXE***

IGNACIO REILLY




Organiza: Concello de Laxe





O amor prémiasi en Laxe
2024

7º PREMIO



NON HAI MANEIRA

Acabábase o verán e a voda á que acudíramos. Os noivos marcaban descoordinados o inicio do baile nupcial. Celebraban 18 anos de amor. Alí, escoitena por primeira vez. Los Ronaldos cantaban "no puedo vivir sin ti, no hay manera. No puedo estar sin ti, no hay manera". Ficoume na memoria como un bonito recodo asociado ao amor.

Canteina varias veces desde entón: no karaoke, no coche, soa... E tamén cha cantei a ti.

Aínda que a canción me gustaba, có tempo dínlle unha volta. Porque eu podo vivir sin ti, podo estar sen ti, pero non quero. Creo que iso é o amor, non necesitarte, pero quererte. Poder estar sen ti, pero elexirte. Querer estar ao teu lado e acompañarnos.

Aínda así, cando Los Ronaldos sonan, penso en ti, non hai maneira.

Pseudónimo: Brétema

APARTAMENTO TURÍSTICOS OS BATÁNS ***



Organiza: Concello de Laxe



8º PREMIO

ESPAZO COMPARTIDO

As xemas subindo polas costas.

Un sorriso tenue para este silencio xurdido.

Unha mirada cómplice de cor mel.

Un bico discreto na núa pel.

Un suspiro suave nos beizos de vermello tinguido.

As xemas, de novo, colándose baixo as sabas.

Tacto. Sorrisos. Bicos. Suspiros.

Ningún necesita máis.

Todo é noso. Noso é todo.

Compartindo este espazo cálido.

Este espazo tan propio que destaca polas
xemas, sorrisos, bicos e suspiros que,
tan silenciosamente, creamos
ti e eu no noso espazo compartido.

Organiza: Concello de Laxe




Sra. Salvatore

HOTEL MAR DE LAXE ***



O amor prémiese en Laxe
2024






9º PREMIO

O amor prémiasi en Laxe
2024

HOSPEDAXE - RESIDENCIA* BAHIA



O viaxe.

Viaxamos, movémonos, cambiamos. Saímos da casa, subimos ao tren, ao avión, ao autobús, ao barco.

Viaxamos, nós e o noso amor, independentemente da clase, comodidades ou requisitos.


Viaxamos, recoñecémonos, do punto A ao punto I, ida e volta.

Viaxamos, percorremos sempre unha distancia maior que a que une o noso amor, porque partimos do mesmo lugar e chegamos á mesma parada.

Viaxamos, ata que rompa o raíl, ata que o vento deixe de soprar, ata que se esgoten as estradas e ata que sequen os mares.

Viaxamos. Querémonos.

-waldo



Organiza: Concello de Laxe

